

INUIT ATAQTIGIIT

Inatsisartuni



30.09.2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Nuummi mittarfiliortoqassappat Kangerlussuup mittarfiata qanoq inissisimalernissaa Naalackersuisut takorloorpaat?**
- 2. Qaqortumi mittarfiliortoqassappat Narsarsuup qanoq inissisimalernissaa Naalackersuisut qanoq takorloorpaat?**
- 3. Mittarfissat pineqartut Kalaallit Airport-ip sanaartortitai naammassippata akiitsullu tamavimmik naammassippata kikkut mittarfinnik piginnittuussappat?**
- 4. Aningaasaliisartut piginneqataassappat?**
- 5. Ingerlatseqatigiiffiit sorliit piginneqataassappat?**
- 6. Kommunit mittarfiliorfigineqartut mittarfinnillu "annaasaqartut" sulisoqarnikkut qanoq eqqorneqassappat? Tassunga atatillugu kommunini sunniutissarpasuit pillugit suliffissallu pilersitassat annaasassallu pillugit Naalackersuisut misissuisimagunik saqqummiussinnaavaat?**
- 7. Mittarfissat sananeqartussat pillugit EU-p akuersissuteqarnissaa Naalackersuisunit qulakkeerneqareersimava?**

(Inatsisartuni ilaasortaq Aqqaluaq Biilmann Egede, Inuit Ataqatigiit)

Tungavilersuut:

Mittarfinnik sanaartortoqarnissaa pillugu Naalackersuinikkut suliat amigaateqaqisut assut paasissutissanik ujaasineramik malitseqartinniarnartut suliarinissaat pisariaqarmat apeqquqteqaasiorpunga. Apeqquqterpassuit erseqqissumik akineqarnissaat pisariaqalerpoq. Nalunaarusiat allallu innersuutiinnarnagit aamma Naalackersuisut politikikkut anguniagaqartutut akisinnaassuseqarnissaat pisariaqartarmat akissutisinissara assut pisariaqartippara. Inatsisartut ataatsimiititaliaanni sulivugut, paasissutissallu amigaatigisavut aamma periarfissaq atorlugu Naalackersuisunut ammasumik apeqququtigisarlutigit.

Angallannermut Naalackersuisoq sulinut sallerpaalluni akisussaasuusoq erseqqilluinnartumik akissuteqassasoq pisariaqarpoq. Inatsisartut ataatsimiilermata apeqquqtit akissutissarsariaqartut qaqilerpakka. Aamma nunatta sineriasuani allakkanik assartuussinikkut inunnillumi assartuussinikkut isumaqatigiissutit erseqqilluinnartumik Naalackersuisumiit isummerfigineqarnissaat pisariaqarpoq. Akissutigineqartut naapertorlugit suliat ingerlateqqissinnaaniassagakit.

Kissaatigaara apeqquqtit ullul suliffiusut qulit qaangiutsinnagit akineqarsimanissaat.